

volebat, licet esset sic in carcere in quadam camera magna, & pulchra diligenter custoditur.

Quatuor modis habuerunt, vt ipsum inducerent ad deserendum habitum Ordinis Prædicatorum.

Primus modus fuit, quia miserunt ei sorores suas ad standum secum ad hoc vt eum retraherent ab Ordine Fratrum Prædicatorum, & ad dimittendum habitum eorum: ipse autem sorores suas sacras litteras docuit: nam ibi in carcere perlegit totam Bibliam, & didicit mente testum sententiarum, & compilauit etiam fallacias Aristotelis, etiam sorores suas docuit; sorores autem suæ non solum non potuerunt inducere ad habitum deponendum, sed etiam conuersæ sunt ab eo. Nam sororem maiorem, quam fratres sui specialiter miserant ad seducendum ipsum taliter conuertit monitionibus & exemplis, quòd ipsa mundum reliquit, & intrauit Monasterium monialium Sanctæ Mariæ de Capua Ordinis Sancti Benedicti, vbi propter suam sanctitatem, statim fuit facta Abbatisa.

Secundus modus, quem habuerunt fratres sui ad seducendum eum, fuit cum blanditijs, & cum minis. Ceperunt enim sibi valde blandiri, vt dimitteret habitum: videntes quòd non poterunt blanditijs, ceperunt sibi minari: qui de blanditijs & minis parum curauit.

Postea habuerunt tertium modum, quia sibi habitum fecerunt violenter de dorso lacerari, vt præ verecundia dilaceratum dimitteret, & alium indueret, quem vellet. Ipse verò habitum sic dilaceratum rursus induit, & nullo modo alium voluit induere & sic in illo habitu dilacerato, cum magna deuotione, & cum magna humilitate cepit stare: tantum desiderium habebat ad Ordinem & ad habitum Fratrum Prædicatorum, quòd nec de corde, nec de ore, nec à corde poterat auferri.

Quartus modus habuerunt fratres sui ad seducendum eum, vt dimitteret habitum, & voluntare intrandi Ordinem Fratrum Prædicatorum fuit totus multosus, & pauci inueniuntur, qui ab isto quarto modo se defenderent. Ad ipsum solum existentem in camera in qua dormiebat, & in qua tenebatur in custodia miserunt vnam puellam pulcher-

rimam ornatam meretricio habitu, quæ ipsam aspectu, & tactu, & alijs modis quibus posset aliceret ad peccandum, quæ cum intrasset, cepit ipsum aspicere, & tangere, & ad peccandum secum inducere: Sanctus autem iuuenis, qui corpus suum semper purum conseruauerat, & semper sub ratione tenerat, cum sentiret carnem suam ad libidinem inflammari de tali inflammatione cepit dolere, & statim currens ad caminum vbi fiebat ignis, cepit vnum titionem, & percussit illam meretricem cum titione expulit eam de camera cum indignatione magna, & statim inflammatus furore seruire diuino iuit ad angulum camere, & ibi in pariete faciens signum Crucis cum illo titione, posuit se in oratione, & ad terram prostratus cum lachrymis orauit, & orando petiuit à Deo cingulū perpetuæ virginitatis, & quòd sicut ei dederat gratiam vincendi malitiam illius mulieris, sic in perpetuum daret sibi gratiam seruandi virginitatem. Cum oraret ista cum lachrymis, subito dormire cepit, & eo dormiente ecce duo Angeli cecurrunt ad eum & dixerunt sibi, quòd Deus miserat eos, & quòd Deus exaudierat orationem suam. Et cum hoc dixissent, acceperunt vnum cingulum, quem videbantur secum portasse, & cum illo cingulo cinxerunt ipsum dicentes. Ex parte Dei cingimus te cingulo perpetuæ castitatis, sicut petisti, & iste cingulus nunquam in te dissoluetur; quod haberi non potest humanæ virtutis, tibi conceditur ex dono diuinæ Jargitatis. Et Angeli dicentes ista verba strinxerunt eum ita fortiter illo cingulo, quòd ipse in corde suo dolorem magnum sentiens, ex nimio dolore cepit fortiter clamare, & clamans excitatus est. Tunc illi de domo audientes clamorem eius, statim cecurrerunt, & interrogauerunt, quare clamasset: at ille noluit illis reuelare, sed seruauit secretum vsque prope mortem. In morte autem ad honorem, & ad ædificationem aliorum, istud secretum reuelauit socio suo, scilicet fratri Raynaldo. Vnde ex victoria quam habuit de illa puella meruit fieri ciuis celestis, & meruit, quod Angeli mitterentur ad eum, & quòd cingerent ipsum cingulo castitatis, quam integrā, & perfectam seruauit vsque ad mortem, & sui confessores testati sunt: Mater autem sua videns eius constantiam cepit permittere

In carcere
vultu bo-
na operan-
tur S. Tho-
mas.

Pugnā,
& expug-
nat libi-
dinem.

Angeli
Angelicū
Dolorem
cingulo
virginita-
tis strin-
xerunt.